



Francés X. Boya, conselhèr pòrtaveu deth grop d'Unitat d'Aran, en tot hèr emplec de çò que se prevé en article 10 e concordants deth Reglament deth Conselh Generau d'Aran, formule es qüestions que seguïssen ath Sindic d'Aran entà que li siguen contestades per escrit.

Relacionat damb era gestion des residus urbans ei der interès deth grop d'Unitat d'Aran, Partit Nacionalista Aranés, saber:

- Quini sigueren es motius d'anullacion deth procès d'externalizacion deth servici de transpòrt exterior dera Val d'Aran, amiat a tèrme ena anteriora legislatura, e adjudicat en 2011?
- Quini son actuaument es còsti deth servici de lordères dera Val d'Aran?
- Quina ei era prevision de recaptacion dera taxa?
- A hèt eth Conselh Generau d'Aran estudis tà fonamentar es critèris d'ua futura externalizacion d'aguest servici?
- En quin punt se trape eth desenvolopament e condicionament dera planta de transferéncia dera boca nòrd deth tunèl de Vielha?

Per çò que hè ara collaboracion deth Conselh Generau d'Aran en Festivau Europèu d'Arts Digitaus, Digi@aran, celebrat en mes de junh de 2012, ei deth nòste interès conéisher:

- Quin a estat eth còst economic totau d'aguesta collaboracion?
- A previst eth Conselh Generau d'Aran repetir aguesta collaboracion en 2013?

Francés X. Boya
Conselhèr Generau

Val d'Aran, 26 de hereuèr de 2013